

S T A T U T

i Lidhjes së Edukatorëve dhe Rehabilitatorëve Specialë të Republikës së Maqedonisë së Veriut

(Teksti i spastruar)

I. DISPOZITAT E PËRGJITHSHME

Neni 1

Lidhja e Edukatorëve dhe Rehabilitatorëve Specialë e Republikës së Maqedonisë së Veriut është shoqatë joqeveritare, profesionale dhe humanitare e qytetarëve në të cilën vullnetarisht bashkohen edukatorët dhe rehabilitatorët specialë, logopedët, pedagogët specialë (socialë) dhe profilet e tjera profesionale që punojnë me personat me aftësi të kufizuara, si dhe vetë personat me aftësi të kufizuara, prindërit ose kujdestarët e tyre.

Neni 2

Emri i Lidhjes është: Lidhja e Edukatorëve dhe Rehabilitatorëve Specialë e Republikës së Maqedonisë së Veriut.

Emri i shkurtuar është: Lidhja e Edukatorëve dhe Rehabilitatorëve Specialë.

Emri i Lidhjes në gjuhën angleze është: Association of special educators and rehabilitators in Republic of North Macedonia.

Selia e Lidhjes është në Shkup, në Shtëpinë e Organizatave Humanitare "Dare Xhambaz" rr. "11 Tetori" nr. 42a.

Neni 3

Lidhja e ka vulën dhe vulën katrore.

Vula është e rrumbullakët dhe e përmban emrin e Lidhjes: Lidhja e Edukatorëve dhe Rehabilitatorëve Specialë e Republikës së Maqedonisë së Veriut - Shkup, ndërsa në mes është emblema e Lidhjes së Edukatorëve dhe Rehabilitatorëve Specialë.

Vula katrore është drejtkëndëshe me tekstin vijues: Lidhja e Edukatorëve dhe Rehabilitatorëve Specialë e Republikës së Maqedonisë së Veriut, nr. _____20__, Shkup.

Teksti në vulë dhe në vulën katrore është në gjuhën maqedonase, me alfabetin cirilik.

Neni 4

Lidhja e Edukatorëve dhe Rehabilitatorëve Specialë e Republikës së Maqedonisë së Veriut ka cilësinë e personit juridik me të drejtat, obligimet dhe përgjegjësitë që rrjedhin nga Kushtetuta, Ligji për shoqatat dhe fondacionet dhe Statuti. Veprimtaria e Lidhjes shtrihet në të gjithë territorin e Republikës së Maqedonisë së Veriut.

Për detyrimet e veta, ndër të tjera, Lidhja është përgjegjëse edhe për pasurinë e vet të tundshme dhe të patundshme, përkatësisht me mjetet në dispozicion të saj.

Neni 5

Lidhja përfaqësohet dhe prezantohet nga kryetari i Lidhjes së Edukatorëve dhe Rehabilitatorëve Specialë të Republikës së Maqedonisë së Veriut ose nga personi që do ta autorizojë kryetari i Lidhjes.

Neni 6

Lidhja mund të bashkohet me shoqatën humanitare të qytetarëve, e cila është themeluar për të dhënë një lloj ndihme në kujdesin, socializimin, edukimin dhe rehabilitimin e personave me aftësi të kufizuara në Republikën e Maqedonisë së Veriut. Statusi dhe pjesëmarrja e këtyre anëtarëve rregullohet me rregullore të veçantë të propozuar nga Kryesia dhe të miratuar nga Kuvendi i Lidhjes.

II. PARIMET THEMELORE

Neni 7

Puna e Lidhjes është publike. Transparenca në punë sigurohet me njoftimin e rregullt të anëtarëve të Lidhjes për të gjitha format e funksionimit, me inspektim në implementimin e detyrave të programit, duke e paraqitur raportin e punës së organeve dhe trupave të Lidhjes, raportin për punën financiare materiale, etj.

Për të informuar publikun e gjerë shfrytëzohet shtypi, radio dhe televizioni, si dhe format e tjera elektronike të informimit (faqja zyrtare e internetit, lista e postës elektronike).

Neni 8

Lidhja e Edukatorëve dhe Rehabilitatorëve Specialë e Republikës së Maqedonisë së Veriut është organizatë e pavarur, jopartiake dhe jofitimprurëse. Nëse fitimi realizohet në punë, ai do të përdoret për arritjen e qëllimeve të përcaktuara me Statut.

III. QËLLIMET DHE DETYRAT

Neni 9

Qëllimet dhe detyrat e Lidhjes janë:

- Koordinimi dhe harmonizimi i punës së edukatorëve dhe rehabilitatorëve specialë në territorin e Republikës së Maqedonisë së Veriut;
- Inkurajimi, organizimi dhe aktivizimi i anëtarëve të Lidhjes në përpjekjet për afirmimin dhe zhvillimin e teorisë dhe praktikës së edukimit dhe rehabilitimit special;
- Mbrojtja e interesave të edukatorit dhe rehabilitatorit special, institucionit për edukimin dhe rehabilitimin special dhe punës profesionale;
- Ndihma direkte dhe indirekte për anëtarët e Lidhjes në kryerjen e obligimeve të tyre administrative, materiale-financiare dhe juridike-normative;
- Ndihma në zgjidhjen e kontesteve profesionale në praktikën shoqërore në lidhje me interesat e edukimit dhe rehabilitimit special dhe profesionin edukator dhe rehabilitator special;
- Angazhimi i drejtpërdrejtë dhe indirekt në lloje të ndryshme të praktikës së profesionalizuar në planin e humanizimit të personit dhe pozicionin shoqëror të personave me aftësi të kufizuara në shoqërinë tonë;
- Angazhimi në planin e mbrojtjes, plotësimit dhe modernizimit të bazës institucionale, shoqërore dhe private për mbrojtjen, edukimin dhe rehabilitimin e personave me dëmtime somatike, sensoriale, mentale, komunikative dhe biheiviorale, çrregullime, paaftësi dhe hendikep;
- Angazhimi në fushën e ndërhyrjes së hershme dhe parandalimit social të aftësisë së kufizuar;
- Sigurimi i shërbimeve të mbrojtjes sociale për personat, familjet dhe grupet e qytetarëve me aftësi të kufizuara;
- Angazhimi i vazhdueshëm dhe puna e programuar në planin e plotësimit, inovacionit dhe modernizimit të legjislacionit të përgjithshëm në fushën e mbrojtjes, edukimit dhe rehabilitimit të personave me aftësi të kufizuara;

- Angazhimi dhe ndihmimi i vazhdueshëm i anëtarësisë së Lidhjes në veprimtarinë e tyre botuese dhe publicistike, veçanërisht në planin e shtypjes së literaturës së nxënësve, praktikumeve, doracakëve dhe literaturës tjetër profesionale-shkencore në fushën e edukimit dhe rehabilitimit special dhe shkencave përkatëse;

- Angazhimi i drejtpërdrejtë dhe indirekt i planit të edukimit, specializimit, përsosjes dhe kualifikimit të edukatorëve dhe rehabilitatorëve specialë;

- Këshillimi dhe trajnimi i vullnetarëve;

- Edukimi, këshillimi dhe përgatitja profesionale e profileve, individëve dhe organizatave të ndryshme profesionale;

- Organizimi i tubimeve profesionale dhe shkencore.

Neni 10

Lidhja e boton revistën shkencore-profesionale dhe informative.

Botimi i revistave dhe i gjithë veprimtarisë publicistike botuese rregullohet me rregullore të miratuar nga Kryesia e Lidhjes.

Neni 11

Për t'i arritur qëllimet, interesat dhe aktivitetet e saj, Lidhja mund të themelojë subjekte juridike përkatëse në përputhje me rregullat ligjore pozitive.

IV. ANËTARËSIMI DHE ORGANIZIMI

Neni 12

Anëtarësimi në Lidhjen është vullnetar. Anëtar i Lidhjes mund të jetë çdo qytetar-shtetas i Republikës së Maqedonisë, si dhe përfaqësuesi i autorizuar i Shoqatës së Qytetarëve, Fondacionit dhe subjektit tjetër juridik në cilësinë e anëtarit kolektiv, që vullnetarisht do të aderojnë në Lidhjen me dhënien e deklaratës me shkrim.

Numri i anëtarëve nuk është i kufizuar. Në Lidhjen mund të anëtarësohen të gjithë edukatorët dhe rehabilitatorët specialë (oligofrenologët, logopedët, surdoaudiologët, tifologët, somatopedët); pedagogët specialë si dhe të gjithë qytetarët aktivë që janë të përkushtuar në ushtrimin e të drejtave të personave me aftësi të kufizuara.

Neni 13

Lidhja për anëtarët e vet individualë dhe kolektivë mban regjistër të anëtarëve dhe evidencë të anëtarëve të organeve, që azhurnohet të paktën një herë në dy vjet.

Lidhja e garanton anonimitetin e të dhënave personale të anëtarëve të vet që do ta kërkojnë atë.

Neni 14

Anëtarësimi bëhet duke e nënshkruar formularin e aplikimit, përkatësisht duke e lëshuar kartën e anëtarësisë, e cila pas skadimit ose përfundimit të anëtarësisë duhet të kthehet.

Neni 15

Anëtarët e Lidhjes së Edukatorëve dhe Rehabilitatorëve Specialë të Republikës së Maqedonisë së Veriut kanë të drejta dhe përgjegjësi në përputhje me dispozitat e këtij Statuti dhe dispozitat ligjore pozitive.

Anëtari ka të drejta dhe obligime:

- në mënyrë të lirë, aktive dhe kreative të marrë pjesë në punën e Lidhjes;
- të zgjedhë dhe të zgjidhet në organet dhe trupat e Lidhjes;
- të jep propozime, sugjerime dhe vështrime kritike mbi punën e Lidhjes në tërësi dhe organeve dhe trupave të saj;
- të jetë i informuar për punën e përgjithshme të Lidhjes;
- të marrë pjesë në mënyrë të barabartë në planifikimin, programimin dhe valorizimin e punës së Lidhjes;
- të marrë pjesë në kryerjen e detyrave, realizimin e qëllimeve, realizimin e programeve dhe zbatimin e vendimeve dhe konkluzioneve të organeve të Lidhjes;
- t'i kryejë rregullisht detyrimet e tij materiale dhe financiare ndaj Lidhjes;
- të jetë anëtar i Dhomës së Edukatorëve dhe Rehabilitatorëve Specialë të Republikës së Maqedonisë së Veriut;
- ta respektojë Kodin e Edukatorëve dhe Rehabilitatorëve Specialë të Republikës së Maqedonisë së Veriut;

- të punojë në mënyrë aktive për afirmimin e edukimit dhe rehabilitimit special, punën profesionale, institucionin publik dhe privat për edukimin dhe rehabilitimin special dhe edukatorit dhe rehabilitatorit special;

- të kontribuojë në përmirësimin e kushteve për edukimin dhe arsimin, mbrojtjen shëndetësore, mbrojtjen sociale dhe punësimin e personave me aftësi të kufizuara;

- t'i respektojë dispozitat e këtij Statuti;

- t'i përfaqësojë interesat dhe qëndrimet e Lidhjes.

Neni 16

Anëtarët e Lidhjes mund të jenë anëtarë të asociacioneve të njëjta dhe të ngjashme jashtë vendit, dispozitat statutores të të cilave nuk janë në kundërshtim me të Lidhjes së Edukatorëve dhe Rehabilitatorëve Specialë të Republikës së Maqedonisë së Veriut.

Për të siguruar evidencë të domosdoshme dhe për të fituar inspektim të vazhdueshëm në veprimtarinë ndërkombëtare të anëtarëve të saj, në Lidhjen si trup i përhershëm ekziston Komisioni për Komunikim Ndërkombëtar që përbëhet nga përfaqësuesit e seksioneve që janë të bashkuar në asociacionin ndërkombëtar.

Neni 17

Secili anëtar mund të japë dorëheqjen vullnetarisht nga Lidhja, për të cilën duhet detyrimisht të parashtrojë njoftim me shkrim.

Anëtari mund të përjashtohet për shkaktimin e dëmit veprimtarisë dhe reputacionit të organizatës dhe për veprime në kundërshtim me Statutin dhe aktet e Lidhjes së Edukatorëve dhe Rehabilitatorëve Specialë.

Propozim për përjashtimin nga anëtarësia jep Këshilli Institucional ose Ekzekutiv, ndërsa vendim miraton Kryesia e Lidhjes. Në rast ankese, vendim përfundimtar miraton Kuvendi i Lidhjes së Edukatorëve dhe Rehabilitatorëve Specialë të Republikës së Maqedonisë së Veriut.

Neni 18

Njësia organizative themelore e Lidhjes është këshill institucional. Në kuadër të Lidhjes së Edukatorëve dhe Rehabilitatorëve Specialë, funksionojnë disa këshilla institucionale:

- këshilli i edukatorëve dhe rehabilitatorëve specialë që punojnë në institucione të veçanta edukativo-arsimore;

- këshilli i edukatorëve dhe rehabilitatorëve specialë që punojnë në institucione të rregullta edukativo-arsimore;
- këshilli i edukatorëve dhe rehabilitatorëve specialë që punojnë në institucione sociale dhe kopshte të fëmijëve;
- këshilli i edukatorëve dhe rehabilitatorëve specialë që punojnë në institucionet shëndetësore;
- këshilli i logopedëve;
- këshilli i edukatorëve dhe rehabilitatorëve specialë të papunësuar dhe studentëve;
- këshilli i personave me aftësi të kufizuara.

Çdo këshill përfaqësohet nga kryetari. Kandidatët për kryetar të këshillit propozojnë anëtarë të këshillit dhe zgjidhen nga Kuvendi i Lidhjes. Kryetari i këshillit është anëtar i Kryesisë së Lidhjes.

Këshillat institucionale mund të formojnë seksione profesionale.

Neni 19

Për qasje më cilësore të të gjithë anëtarët e Lidhjes, organizata rajonale është themeluar si njësi organizative ndihmëse. Ekzistojnë 8 (tetë) njësi rajonale që janë identike me rajonet statistikore dhe komunat në Republikën e Maqedonisë së Veriut.

Secila njësi rajonale përfaqësohet nga kryetari i zgjedhur nga Kuvendi me propozimin e anëtarëve të njësisë rajonale ose organeve të Lidhjes.

Kryetari i njësisë rajonale është anëtar i Kryesisë së Lidhjes.

Formimi dhe funksionimi i njësisë rajonale rregullohet me Rregulloren të miratuar nga Kuvendi me propozimin e Kryesisë.

Neni 20

Eduktorët dhe rehabilitatorët specialë kanë dhomën e tyre, e cila është pjesë përbërëse e strukturës organizative të Lidhjes.

Dhoma formohet, organizohet dhe funksionon në përputhje me Ligjin. Organizimi, qëllimet, detyrat dhe mënyra e veprimit të Dhomës së Edukatorëve dhe Rehabilitatorëve Specialë të Republikës së Maqedonisë së Veriut rregullohen me Rregullore të propozuar nga Kryesia dhe të miratuar nga Kuvendi i Lidhjes.

Neni 21

Pranë Lidhjes, ekzistojnë dhe funksionojnë komisione të përhershme dhe të përkohshme. Formimi, organizimi, qëllimet, detyrat dhe programet e punës rregullohen me Rregullore të miratuar nga Kryesia e Lidhjes.

Komisionet e përhershme janë:

- për legjislacionin dhe aktet normative;
- për veprimtarinë botuese;
- për komunikimin ndërkombëtar dhe kombëtar.

V. ORGANET E LIDHJES SË EDUKATORËVE DHE REHABILITATORËVE SPECIALE TË REPUBLIKËS SË MAQEDONISË SË VERIUT

Neni 22

Organet e Lidhjes së Edukatorëve dhe Rehabilitatorëve Specialë të Republikës së Maqedonisë së Veriut janë:

1. Kuvendi
2. Kryesia
3. Kryetari
4. Këshilli Ekzekutiv.

Neni 23

Kuvendi

Kuvendi është organi më i lartë i Lidhjes së Edukatorëve dhe Rehabilitatorëve Specialë të Republikës së Maqedonisë së Veriut.

Kuvendi përbëhet nga delegatë të propozuar nga këshillat institucionale, sipas numrit të anëtarëve:

- | | |
|--------------------------|--------------|
| - deri në 5 anëtarë | 1 delegat; |
| - nga 5-10 anëtarë | 3 delegatë; |
| - nga 10-15 anëtarë | 5 delegatë; |
| - nga 15-20 anëtarë | 7 delegatë; |
| - nga 20-30 anëtarë | 10 delegatë; |
| - nga 30-50 anëtarë | 12 delegatë; |
| - më shumë se 50 anëtarë | 15 delegatë. |

Sipas funksionit, delegatët e Kuvendit janë anëtarë të organeve të Lidhjes.

Neni 24

Kuvendi i ka kompetencat si vijon:

- miraton Statut, program dhe akte të tjera;
- miraton Kodin e Edukatorëve dhe Rehabilitatorëve Specialë të Republikës së Maqedonisë së Veriut, përkatësisht bën ndryshimin dhe plotësimin e Kodit;
- ndan mirënjohje, konventa, plaketa dhe fletëfalënderime për anëtarët dhe qytetarët që e meritojnë;
- vendos për ndryshimin e qëllimeve të Lidhjes;
- zgjedh dhe shkarkon kryetarin e Kuvendit;
- zgjedh dhe shkarkon kryetarin e Lidhjes;
- zgjedh dhe shkarkon anëtarë të Kryesisë;
- shqyrton kundërshtime dhe ankesa dhe për to miraton vendime përfundimtare;
- lidh dhe konfirmon marrëveshje midis Lidhjes dhe personave të tjerë juridikë;
- miraton plane dhe programe vjetore për punën materiale dhe financiare;
- miraton raport vjetor për punën dhe raportin financiar;

- dorëzon raport financiar tek organi kompetent i administratës shtetërore, përkatësisht tek organi i komunave, komunave në Qytetin e Shkupit dhe Qytetin e Shkupit në rastet kur shfrytëzon mjete nga Buxheti i Republikës së Maqedonisë së Veriut, përkatësisht buxhetet e njësive të vetëqeverisjes lokale;

- vendos për organizimin e brendshëm dhe format organizative të organeve të Lidhjes;

- e ndjek, vlerëson, stimulon, drejton dhe koordinon punën e këshillave institucionalë dhe njësive rajonale të Lidhjes;

- miraton vendime për formimin e fondeve;

- vendos për ndryshimet e statusit të Lidhjes;

- miraton vendime që rregullojnë marrëdhëniet e Lidhjes me anëtarët e saj të bashkuar;

- miraton vendime për zgjedhjen e anëtarëve të nderit të Lidhjes;

- miraton vendime për anëtarësimin e Lidhjes në organet e asociacioneve të tjera;

- vendos për ndërprerjen e Lidhjes me shumicën e dy të tretave të votave të të gjithë anëtarëve të Lidhjes;

- kryen edhe punë të tjera në përputhje me Statutin dhe aktet e Lidhjes.

Neni 25

Kuvendi funksionon në seanca. Kryesuesi i Kuvendit konvokon seancë të Kuvendit. Seanca mund të jetë e rregullt ose e jashtëzakonshme. Seanca e rregullt mbahet çdo vjet, ndërsa seanca e jashtëzakonshme mbahet sipas nevojës.

Seanca e Kuvendit konvokohet edhe me propozimin e Kryesisë, kryetarit të Lidhjes ose 1/3 e numrit të përgjithshëm të anëtarëve të Kuvendit.

Nëse kryesuesi i Kuvendit nuk konvokon seancë brenda 15 ditëve nga dita e propozimit të dhënë, seanca konvokohet nga Kryesia ose Iniciatorët.

Neni 26

Vendime të plotfuqishme, qëndrime dhe konkluzione, Kuvendi miraton me shumicë votash të delegatëve të pranishëm.

Në vendimin që i prek interesat e një këshilli institucional, organi kompetent i këshillit institucional mund të paraqesë kundërshtim më së voni 15 ditë, me shkrim, nga dita e dorëzimit zyrtar të vendimit nga Këshilli Ekzekutiv i Lidhjes. Në një rast të tillë, vendimi pushohet dhe kthehet në Kuvend për rishqyrtim.

Neni 27

Kryesia

Kryesia e Lidhjes është organ drejtues i Lidhjes në të cilin secili anëtar ka të drejta, obligime dhe përgjegjësi të barabarta për funksionimin dhe zhvillimin e Lidhjes në përputhje me Statutin.

Kryesia është organi më i lartë i Lidhjes midis dy Kuvendeve.

Kryesia përbëhet nga: kryesuesi i Kuvendit cili është edhe kryesues i Kryesisë, kryetarët e këshillave institucionale dhe kryetarët e njësive rajonale. Në punën e Kryesisë merr pjesë edhe kryetari i Lidhjes pa të drejtën të vendosë.

Neni 28

Kryesia zgjidhet nga Kuvendi me shumicën e numrit të përgjithshëm të anëtarëve të pranishëm të Kuvendit. Në rast të ndërprerjes së funksionit anëtar i Kryesisë ose mosveprimit të tij, Kryesia në mbledhjen e saj e zgjedh ushtruesin e detyrës deri në mbajtjen e seancës së Kuvendit.

Neni 29

Kandidat për anëtar të Kryesisë propozojnë këshillat institucionale, njësitë rajonale dhe organet e Lidhjes.

Anëtarët e Kryesisë janë anëtarë të Kuvendit, përkatësisht anëtarë të Lidhjes.

Mandati i anëtarëve të Kryesisë është katër vjet me të drejtën e rizgjedhjes.

Neni 30

Kryesia i ka këto përgjegjësi:

- propozon ndryshimin dhe plotësimin e Statutit;
- me propozimin e kryetarit të Lidhjes, zgjedh dhe shkarkon anëtarë të Këshillit Ekzekutiv;
- i përcakton dhe zbaton detyrat statutores dhe programore të Lidhjes, si dhe vendimet dhe konkluzionet e Kuvendit;
- miraton rregullore për punën e saj;
- miraton program vjetor të punës;
- përcakton draftin e udhëzimeve themelore për punën dhe zhvillimin e Lidhjes së Edukatorëve dhe Rehabilitatorëve Specialë;
- shqyrton çështje organizative, profesionale, shkencore dhe doktrimore, merr qëndrime, jep vlerësime, i përcakton udhëzimet e veta dhe ndërmerr ose Kuvendit i propozon masa, procedura dhe aktivitete;
- shqyrton propozime dhe kërkesa të anëtarëve individualë të Lidhjes;
- shqyrton kundërshtime dhe ankesa kundër vendimeve të veta, i rishqyrton vendimet e ankimura dhe nëse nuk i ndryshon ose shfuqizon kundërshtimet, përkatësisht ankesat me shtojcat e veta i dërgon në Kuvend si organ i shkallës së dytë;
- i propozon Kuvendit ndarjen e mirënjohjeve, lavdërimeve, plaketave, fletëfalënderimeve, etj., anëtarëve dhe qytetarëve që e meritojnë;
- inicon dhe propozon qytetarë dhe anëtarë të merituar për ndarjen e mirënjohjeve të larta shoqërore;
- përcakton propozimin për pranimin e anëtarëve të nderit të Lidhjes;
- e ndjek dhe kontrollon punën materiale dhe financiare të Lidhjes;.

- e ndjek zbatimin e Statutit dhe Programit të Lidhjes;
 - e ndjek zbatimin e vendimeve, konkluzioneve dhe qëndrimeve të miratuara të organeve dhe trupave të Lidhjes;
 - shqyrton çështje organizative, financiare, pronësore-juridike, profesionale dhe çështje të tjera që rrjedhin nga marrëdhëniet në të cilat Lidhja hyn me persona të tjerë juridikë dhe fizikë;
 - inicon dhe organizon tubime profesionale-shkencore në vend;
 - shqyrton dhe vlerëson nevojën për pjesëmarrje në tubimet profesionale-shkencore ndërkombëtare dhe miraton vendim;
 - miraton vendime për autorizimin e anëtarëve të Këshillit Ekzekutiv;
 - miraton dhe konfirmon vendime.
- Kryesia i kryen të gjitha punët në përputhje me Statutin e Lidhjes, vendimet e Kuvendit dhe Ligjin, ndërsa është përgjegjëse për punën e vet para Kuvendit të Lidhjes së Edukatorëve dhe Rehabilitatorëve Specialë.

Neni 31

Kryesia funksionon dhe vendosë në mbledhje, të cilat mbahen rregullisht një herë në tre muaj.

Mbledhjet e rregullta i konvokon dhe drejtohen nga kryesuesi i Kryesisë.

Propozim për konvokimin e mbledhjes së jashtëzakonshme mund të japin së paku pesë anëtarë të Kryesisë dhe kryetari i Lidhjes. Kryesuesi i Kryesisë është i detyruar të konvokojë mbledhje brenda pesë ditëve nga dita e parashtrimit të kërkesës.

Konvokimi i mbledhjes bëhet me ftesë me kohën, vendin dhe propozimin e rendit të ditës të mbledhjes.

Kryesia mund të punojë dhe të vendosë nëse në mbledhjen janë të pranishëm gjysma e anëtarëve. Vendimet miratohen me shumicë votash.

Për punën e mbledhjeve mbahet procesverbal i cili miratohet në mbledhjen e ardhshme të Kryesisë.

Neni 32

Këshilli Ekzekutiv

Këshilli Ekzekutiv është organ ekzekutiv i Lidhjes, i cili përbëhet nga 6 (gjashtë) anëtarë. Sipas funksionit anëtari i Këshillit Ekzekutiv është kryetar i Lidhjes i cili është edhe kryetar i Këshillit Ekzekutiv.

Anëtarët e Këshillit Ekzekutiv zgjidhen nga Kryesia me propozimin e kryetarit të Lidhjes me shumicën e numrit të pranishëm të anëtarëve.

Mandati i anëtarëve të Këshillit Ekzekutiv është katër vjet me të drejtën e rizgjedhjes.

Neni 33

Këshilli Ekzekutiv i ka këto kompetenca:

- i përgatit mbledhjet e Kryesisë dhe i përgatit materialet;

- menaxhon dhe është përgjegjës për menaxhimin e pronës së Lidhjes;
- harton raport vjetor për punën e Lidhjes;
- harton plan dhe program vjetor për punën materiale dhe financiare të Lidhjes;
- miraton Rregullore për organizimin e punëve dhe detyrave të punës dhe kompensimeve të shërbimit profesional të Lidhjes;
- vendos për udhëtimet zyrtare brenda dhe jashtë vendit;
- miraton idenë - nëse është në përputhje me qëllimet dhe detyrat e Lidhjes si hapi i parë në përkufizimin e projektit dhe kërkesën e donatorëve të mundshëm për zbatimin e tij;
- kryen edhe punë të tjera që rrjedhin nga nevojat e Statutit të Lidhjes dhe që nuk janë në kompetencën e organit tjetër të Lidhjes.

Neni 34

Këshilli Ekzekutiv punon dhe vendosë në mbledhje, të cilat mbahen rregullisht një herë në muaj.

Mbledhjet i konvokon dhe drejtohen nga kryetari i Lidhjes ose në mungesë të tij, nga zëvendëskryetari.

Këshilli Ekzekutiv mund të punojë dhe të vendosë nëse në mbledhje janë të pranishëm gjysma e numrit të përgjithshëm të anëtarëve.

Vendimet miratohen me shumicë votash. Për punën e mbledhjeve mbahet procesverbal.

Neni 35

Kryetari i Lidhjes

Kryetari është përfaqësuesi ligjor i Lidhjes së Edukatorëve dhe Rehabilitatorëve Specialë të Republikës së Maqedonisë së Veriut. Ai e përfaqëson Lidhjen në marrëdhëniet me personat e tretë.

Neni 36

Kryetarin e zgjedh Kuvendi me shumicën e anëtarëve të pranishëm.

Mandati i kryetarit është katër vjet me të drejtën e rizgjedhjes.

Neni 37

Kryetari i ka posaçërisht këto të drejta, obligime dhe përgjegjësi:

- Kryetari është anëtar i plotfuqishëm i Kuvendit dhe Këshillit Ekzekutiv dhe është përgjegjës për zbatimin e Statutit, vendimeve, qëndrimeve dhe politikave të Lidhjes;
- i cakton dhe i kryeson mbledhjet e Këshillit Ekzekutiv;
- i nënshkruan të gjitha aktet e miratuara nga Këshilli Ekzekutiv, Kryesia dhe Kuvendi, ndërsa është nënshkruar edhe i llogarisë së Lidhjes;
- është përgjegjës për zbatimin e vendimeve dhe punës materiale dhe financiare para Kryesisë dhe Kuvendit;

- i udhëheq dhe i vlerëson programet dhe veprimet e Lidhjes;
- i identifikon, i përvetëson dhe i udhëheq resurset;
- përgatit buxhet vjetor;
- i propozon Kryesisë politika dhe iniciativa strategjike;
- e promovon Lidhjen në komunitet.

Neni 38

Organet dhe trupat e Lidhjes punojnë në bazë të rregulloreve të përgatitura nga Këshilli Ekzekutiv, të miratuara nga Kryesia, ndërsa i konfirmon Kuvendi i Lidhjes.

Për t'i realizuar interesat e përbashkëta dhe për të siguruar punë efikase dhe racionale të planit dhe të programit, organet dhe trupat e Lidhjes miratojnë plane afatgjata dhe afatshkurtra të punës.

V. FINANCIMI I LIDHJES

Neni 39

Burimet e financimit të Lidhjes janë:

- anëtarësia, kontributet vullnetare, donacionet, trashëgimia;
- të ardhurat nga veprimtaria e vet;
- donacionet në bazë të projekteve;
- dotacionet dhe përfitimet materiale nga organet dhe fondacionet e ndryshme;
- mjetet nga Buxheti i Republikës së Maqedonisë së Veriut, buxhetet e komunave, komunat në Qytetin e Shkupit dhe Qyteti i Shkupit;
- të ardhurat e tjera.

Neni 40

Mjetet financiare të Lidhjes përdoren për t'i arritur qëllimet e përcaktuara me këtë Statut dhe Programin e Punës.

Urdhërdhënësi material dhe financiar i Lidhjes është kryetari dhe në mungesë të tij, zëvendëskryetari, ndërsa në bazë të autorizimit me shkrim nga kryetari.

Neni 41

Punët profesionale-administrative teknike të Lidhjes i kryen personi i paguar - sekretari teknik.

Puna profesionale-administrative teknike rregullohet me Rregullore të propozuar nga Këshilli Ekzekutiv, ndërsa të miratuar nga Kryesia e Lidhjes.

VI. DISPOZITAT KALIMTARE DHE TË FUNDIT

Neni 42

Lidhja pushon të punojë nëse:

- miratohet vendimi për të ndërprerë ekzistimin e Lidhjes në përputhje me Statutin;

- ka kaluar dy herë më tepër kohë nga koha e parashikuar për mbajtjen e mbledhjes së organit më të lartë të përcaktuar me Statut, dhe ajo nuk është mbajtur;

- në dy vitet e ardhshme radhazi, nuk është parashtruar llogaria përfundimtare në përputhje me ligjin;

- numri i anëtarëve të Lidhjes është zvogëluar nën numrin e përcaktuar për themelim;

- miratohet vendimi nga gjykata kompetente;

Vendim për ndërprerjen e Lidhjes miraton Kuvendi me shumicën e dy të tretave të anëtarëve të Lidhjes.

Kryetari i Lidhjes është i detyruar ta informojë gjykatën themelore kompetente brenda 15 ditëve për rrethanat nga paragrafi 1 i këtij neni.

Ndërprerjen e Lidhjes e konstaton Gjykata Themelore me vendim sipas rregullave të procedurës jashtëgjyqësore.

Neni 43

Ndryshimi dhe plotësimi i Statutit bëhet në të njëjtën procedurë si edhe për miratimin e tij.

Iniciativë për ndryshimin dhe plotësimin e Statutit mund të propozojë secili anëtar i Lidhjes.

Propozimi shqyrtohet nga Kryesia dhe së bashku me mendimin e tij, e dorëzon te të gjithë anëtarët e Kuvendit, pesëmbëdhjetë ditë para mbajtjes së seancës së Kuvendit.

Kuvendi e miraton Statutin me shumicën e anëtarëve të pranishëm.

Neni 44

Të drejtën e interpretimit autentik të dispozitave të këtij Statuti e bën Kuvendi, ndërsa midis dy Kuvendeve, Kryesia e Lidhjes së Edukatorëve dhe Rehabilitatorëve Specialë të Republikës së Maqedonisë së Veriut.

Neni 45

Ky Statut hyn në fuqi në ditën e miratimit të tij, dhe kështu shfuqizohet Statuti i Lidhjes së Defektologëve nga 15.03.2011.

18.04.2019

Shkup

Lidhja e Edukatorëve dhe Rehabilitatorëve
Specialë e Republikës së Maqedonisë së Veriut

Kryetar

Goran Petrushev